

**2018KO URRIAREN 25EAN UDALBATZA OSOAK EGINDAKO OHIKO
BATZARRALDIAREN AKTA.**

LEKUA: Beasaingo Udaletxea.

ARETOA: Batzar Aretoa.

EGUNA: Hogeita bosta.

HILABETEA: Urria .

URTEA: Bi mila eta hemezortzi

HASIERAKO ORDUA: Arratsaldeko zazpiak.

BATZARRALDIAREN IZAERA: Ohikoa.

DEIALDIA: Lehena.

OSATZEN DUTEN PARTAIDEEN KOPURUA: Hamazazpi (17)

UDALBURUA: AITOR ALDASORO ITURBE

BILDUAK:

EAJ-PNV udal taldekoak:

LEIRE ARTOLA UGALDE
MALU VALLES FERNANDEZ
XABIER MATARRANZ RICO
ENKARNI ARRIETA TELLERIA
JON OLANO ARRESE
ELENA RUIZ ZABALA
NEKANE ZALDUA ESNAOLA
MIREN ARANTXA ZUFIAURRE GOIKOETXEA

Beasaingo EH BILDU udal taldekoak:

KOLDO AGIRRE MUJICA
AITOR LARBURU IZAGUIRRE
MIREN AMAIA BARANDIARAN VELEZ DE MENDIZABAL
AITOR MARTIN URTEAGA OSINALDE
ZEZILIA HERRADOR GARIN
JOSEBA MIKEL OLANO GUEMBE

Socialistas Vascos-Euskal Sozialistak udal taldekoak:

ANGEL REDONDO FERNANDEZ

EZ DA ETORRI:

SANTIAGO URDAMPILLETA DOS SANTOS

IDAZKARIA: ITZIAR AROSTEGI APAOLAZA

Bileran, LURDES ALEGRIA LASA, kontuhartzaileak ere, parte hartzen du. Baita ere, Aitziber Yurrebaso andreak bat-bateko itzultzaile lanetan.

1.- AURREKO AKTA. 2018ko irailaren 27ko akta onartzeko proposamena.

2018ko irailaren 27ko aktaren berri eman ondoren, aho batez onartu da berarekiko aldatetarik ez dagoelako.

2.- ALKATEAREN PROPOSAMENAK:

a.- Kreditu aldaketa (2018TRFR0007)

Ondorengo proposamenaren berri eman da:

“GAIA.- Kreditu Aldaketa, 7. Kreditu Transferentzien Espedientea.

Honekin batera doan proposamenean zerrendatutako gastua finantzatzeko aurrekontu kreditu nahikoa ez dagoela kontutan hartuz, Alkatetza honek Udalbatzari ondorengo Akordio Proposamena egiten dio:

1.- 7. Kreditu Transferentzien bidez 50.000,00 euroko zenbatekoaz eta eranskinean zehazten den moduan finantzatzen diren kreditu aldaketak hasiera batean onartzea.

2.- Aipatutako akordioa jendaurrean jartzea, 15 eguneko epean bidezkoak diren alegazioak aurkeztu ahal izateko. Alegaziorik jasoko ez balitz, behin-betirako onartutzat emango da.

3.- Kreditu aldaketa honen bidez izendun dirulaguntza berria ezartzen denez, Aurrekontuko Dirulaguntzen Eranskina aldatzea berau txertatuz.

**KREDITU TRANSFERENTZIEN PROPOSAMENA / PROPUESTA DE
TRANSFERENCIAS DE CREDITOS**

Transferitutako kredituak biltzen dituzten gastuen partidak (bajak) / Partidas de gastos cuyos créditos se transfieren (bajas)

Partida	Izena / Denominación	Hasierako kreditua / Crédito inicial	Gutxipena / Minoración	Amaierako kreditua / Crédito resultante
----------------	-----------------------------	---	-----------------------------------	--

0220.227.231. 09.04	Zahartze aktiboaren programa Programa envejecimiento activo	50.000,00	50.000,00	0,00
GUZTIRA / TOTAL ...		50.000,00	50.000,00	0,00

Gehitutako diren kredituak biltzen dituzten gastuen partidak (altak) / Partidas de gastos cuyos créditos se incrementan (altas)

Partida	Izena / Denominación	Hasierako kreditua / Crédito inicial	Gehikuntza / Aumento	Amaierako kreditua / Crédito resultante
0220.471.311. 10.01	Dirulaguntza: Andrómeda Projects, S.L. Subvención: Andrómeda Projects, S.L.	0,00	50.000,00	50.000,00
GUZTIRA / TOTAL ...		0,00	50.000,00	50.000,00

Hitz egindako txanda eman ondoren, bildutakoek proposamenarekiko adostasuna azaldu dute.

Beraz, bozketa eginda, aho batez onartu da proposamena.

b.- Musika Eskola eta Euskaltegiko batzorde errektoreetarako kidea bertan behera uztea eta izendapen berria egitea (2015IDBO0021)

Ondorengo proposamenaren berri eman da:

“Gaia: musika eskola eta euskaltegi fundazioetara joango diren zinegotzien aldaketa.

AURREKARIAK

Kontuan izanik, Irma Arnaiz Guillen, Edorta Diaz del Rio eta Garbiñe Zurutuza Fernández zinegotzi izateari utzi ziotela eta Musika Eskola eta Euskaltegiko gobernu organo kolegiatuaren kide zirela. Orain proposatzen da izendapenak hauen alde egitea:

1.- AITOR ALDASORO ITURBE (Presidente) LEIRE ARTOLA UGALDE (Euskaltegi)

2.- MIREN ARANTXA ZUFIAURRE GOIKOETXEA (Musika Eskola).

3.- MIKEL OLANO GUEMBE (Musika Eskola eta Euskaltegi)."

Hitz egindako txanda eman ondoren, bildutakoek proposamenarekiko adostasuna azaldu dute.

Beraz, bozketa eginda, aho batez onartu da proposamena.

3.- ANTOLAKUNTZA BATZORDEKO PROPOSAMENAK:

a.- Aseguru pribatuen kontratu aldaketa (2018PEBO0026)

Ondorengo proposamenaren berri eman da:

"Gaia: *SEGUROS LAGUN ARO, S.A.rekin aseguru pribatuekiko sinatutako kontratua aldatzea.*

1.- *2018-08-21eko datarekin, SEGUROS LAGUN ARO, S.A.rekin kontratua sinatu zen, jarraian aipatzen diren aseguruaren estaldura bere gain hartzeko: ondarea, erantzukizun zibila, ibilgailuak eta erraldoi eta buruhandien konpartsari asistentzia sanitarioa.*

2.- *Aseguratutako ondasunen artean, besteak beste, kiroldegia, kanpoko igerilekuak eta Igartzako futbol zelaia aurreikusten dira, baina EZ, Loinatz futbol zelaia.*

3.- *Orain arte ulertu bada ere, Loinatz futbol zelaia kiroldegiko instalazioen barruan dagoela, espreski aseguratura egotearen beharra ikusi da, kontuan izanik edukizailaren balioa (1.097.289,44 €) eta edukiarena (600.546,37). Primaren kostua, 1.071,62 €koa izango da 2018-09-20tik (ondasunen horren falta, aseguru etxeari jakinarazi zitzaionetik), 2019-09-01era arte.*

4.- *Horrek, baldintza pleguaren 6. eta 22. artikuluetan aurreikusita dagoen kontratuaren aldaketa eskatzen du.*

OINARRI JURIDIKOAK

- 204. artikulua LCSP: *pleguan aurreikusitako aldaketa da eta ez du kontratuaren hasierako prezioaren %20a gainditzen.*

- 207. artikulua LCSP: *Europa Elkarteko Aldizkari ofizialean (armonizatua delako) eta kontratazio plataforman kontratuaren aldaketa argitaratu beharra.*

Horren ondorioz, Antolakuntza batzordeak Udalbatza Osoari ondorengo erabaki proposamena egiten dio:

Lehenik. *SEGUROS LAGUN ARO, S.A.rekin sinatutako kontratua aldatzea, Kalteen aseguruan Loinatz futbol zelaia sartzeko.*

Bigarren. *Primaren kopurua 2019-09-01era arte, 1.071,62 €koa izango da.*

Hirugarren. Erabaki honen berri aseguru etxeari ematea.

Lauugarren. Europa Elkarteko Aldizkari ofizialean eta kontrataziorako plataforman, kontratu-aldaketari buruzko iragarkia argitaratzea.”

Hitz egindako txanda eman ondoren, bildutakoek proposamenarekiko adostasuna azaldu dute.

Beraz, bozketa eginda, aho batez onartu da proposamena.

b.- TAXIAk tarifak (2018EKBO0081)

Ondorengo proposamenaren berri eman da:

“GAIA.- Taxi-zerbitzuaren 2019ko tarifak.

(AGITAX) Gipuzkoako Taxisten Elkartek, Goiekiren bidez, Goierriko erregimen bereziko eremuan aplikatzeko 2019 urterako tarifen onespina eskatu du.

Aurkeztutako dokumentazioa aztertu eta gero, Antolakutnza Batzordeak Udalbatzari ondorengo akordio proposamena egiten dio:

Lehenik.- Gipuzkoako Taxisten Elkartek proposatutako kostuen estudioaren onspena.

Bigarren.- Goierriko eskualdeko eremuan aplikagarri izango diren Agitaxek Goiekiren bidez proposatutako 2019rako ondorengo tarifen onspena, indarrean daudenekiko % 2,3ko igoerarekin.

TARIFA URBANA 2.019			
2019ko HIRI BARRUKO TARIFA			
	Abiasaria /Bajada de bandera	Ibilitako kilometroa Kilómetro recorrido	Itxarote ordua Hora de espera
Tarifa 1*	3,5949 €	1,1254 €	21,4962 €
Tarifa 2**	3,5949 €	1,7949 €	33,7849 €

* Lanegunetan 07:00tik 22:00arte / Laborables: de 07:00 a 22:00

** Tarifa hau egunero ezarriko da 22:00tik 07:00 arte. Bai igande eta araudi autonomiko eta lokaleko erabakitako jaiegunetan 07:00tik 22:00 arte bai larubatetan, eta abenduaren 24 eta abenduaren 31 egunetan / Esta tarifa será aplicable todos los días, desde las 22:00 horas hasta las 07:00 horas. Se aplicará igualmente la Tarifa II desde las 07:00 horas a las 22:00 horas los domingos y los días festivos fijados en correspondiente normativa autonómica y local, así como los sábados y los días 24 de diciembre y 31 de diciembre.

Hirugarren.- Goiekiri akordio honen berri ematea.”

Hitz egindako txanda eman ondoren, bildutakoek proposamenarekiko adostasuna azaldu dute.

Beraz, bozketa eginda, aho batez onartu da proposamena.

c.- Foru Aldundiarekin elkarlan hitzarmena zerga informazioa lagatzeko. E-I Eranskina onartzeko proposamena (2018PEBO0084)

Ondorengo proposamenaren berri eman da:

“AURREKARIAK

1. *Gipuzkoako Foru Aldundiko Ogasun eta Finantza departamentua eta Beasaingo Udalaren arteko lankidetzak hitzarmena informazio lagapenerako dute sinatuta.*

2. *Ogasun eta Finantza departamentuarentzat eta Udalentzat beharrezkoa da datu jakin batzuen lagapena, beraiei esleitutako zereginak garatzeko eta eskumenak betetzeko.*

3. *Hitzarmen honi E-I eranskina atxikitu behar zaio Udal kiroldegiko zerbitzuen erabiltzeagatik tarifa eta ura nahiz zabor tasen arloan ordaintzeko diru-laguntzak.*

4. *Deskribapena. Beasaingo Udalari zerga informazioa lagatzea udal zergak, tasak eta prezio publikoak diruz-lagundu eta hobaritzeko kudeaketan esleitu zaizkion funtzioak betetzeko.*

5. *Informazio lagapenaren helburua. Egiaztatzea onuradunek bete egiten dituztela Beasaingo Udalak indarrean dituen udal kiroldegiko zerbitzuen erabiltzeagatik tarifa eta ura nahiz zabor tasen arloan laguntzak jasotzeko beharkizun ekonomikoak.*

OINARRI JURIDIKOAK

-7/1985 Legea, apirilak 2koa, Toki-araubidearen oinarriak arautzen dituen (25. art.)

-11/1989 Foru Araua, uztailaren 5koa, Gipuzkoako Toki Ogasunei buruzkoa (uztailaren 10eko GAO, 130. zenb.).

Azaldutakoaren arabera, Antolakuntza Batzordeak ondorengo erabaki proposamena egiten dio UDALBATZA OSOARI:

Lehenengoa.- Beasaingo Udaleko alkateari ahalmena ematea, udalaren izenean, E-I ERANSKINA sinatzeko. Udal kiroldegiko zerbitzuen erabiltzeagatik tarifa eta ura nahiz zabor tasen arloan ordaintzeko diru-laguntzak.

Bigarrena.- Eranskina bidali Gipuzkoako Foru Aldundiko Ogasun eta Finantza Departamentura.”

Hitz egindako txanda eman ondoren, bildutakoek proposamenarekiko adostasuna azaldu dute.

Beraz, bozketa eginda, aho batez onartu da ondorengo E-1 Eranskina.

E-I ERANSKINA. Udal kiroldegiko zerbitzuen erabiltzeagatiko tarifen eta ura nahiz zabor tasen arloan ordaintzeko diru-laguntzak.

1. Deskribapena:

Beasaingo Udalari zerga informazioa lagatzea udal zergak, tasak eta prezio publikoak diruz-lagundu eta hobaritzeko kudeaketan esleitu zaizkion funtzioak betetzeko.

2. Informazio lagapenaren helburua:

Egiaztatzea onuradunek bete egiten dituztela Beasaingo Udalak indarrean dituen udal kiroldegiko zerbitzuen erabiltzeagatiko tarifen eta ura nahiz zabor tasen arloan laguntzak jasotzeko beharkizun ekonomikoak.

3. Lagapena justifikatzen duen araudia:

Beasaingo Udalak gai honetan dauzkan eskumenak jasota daude bai unean uneko udal ordenantzetan eta bai arau hauetan:

- 7/1985 Legea, apirilak 2koa, Toki-araubidearen oinarriak arautzen dituen (25. art.)
- 11/1989 Foru Araua, uztailaren 5ekoa, Gipuzkoako Toki Ogasunei buruzkoa (uztailaren 10eko GAO, 130. zenb.).

Udal ordenantzetan edozein aldaketa gertatuz gero, Beasaingo Udala behartuta dago haren berri ematera lagapen honi eragiten badio. Eranskin hau sinatzeko egunean, ordenantzak hauek dira:

. Udal kiroldegiko zerbitzuen erabiltzeagatiko tarifen eta ura nahiz zabor tasen arloan laguntzak emateko ordenantza. (GAO 2016-09-07).

4. Datuen titularraren baimena:

Bai, udalak onartutako eskaera-formularioan ageri den baimen klausularen bitartez.

Bai klausula hori bai laguntza eskatzeko formularioa aldez aurretik igortzea Ogasun eta Finantza Departamentura, nahitaezko baldintza izango da sarbideak baimentzeko.

5. Eman beharreko informazioaren edukia:

“308812 PFEZ. Aitorpenaren laburpena” ziurtagirian jasotako informazioa.

“708818 Ondasun higiezinak: Gipuzkoatik kanpoko etxebizitzak” ziurtagirian jasotako informazioa.

“708819 Ondasun higiezinak: Pertsona edo entitate batenak” ziurtagirian jasotako informazioa.

6. Informazioa emateko prozedura:

Informazio lagapena egiteko, sistema hau erabiliko da: banakako ziurtagiriak eskatuz eta eskuratuz.

Informazio lagapen honetan, entitate lagapendunak izendatutako langileak baimendurik geratzen dira zerga datuen egiaztagiriak Internet bidez lortzeko aplikazioan sar daitezen. Aplikazio hori herri administrazioentzat erabilgarri dago, Ogasun eta Finantza Departamentuaren webgunean.

Horrela emandako informazioa inprimatu egin daiteke, paperean eduki beharra dagoenerako (pdf formatuan ematen da).

Informazio lagapenerako hemen aipatzen den sistema hori izanik ere, “Informazioa emateko sistemen fitxa teknikoan” jasota dagoen beste edozein bitartekoz ere eman daiteke informazioa, betiere, horretarako propio gaituta eta eskura jarrita badago eta une bakoitzean eraginkorra eta egokiena bada.

7. Lagapenaren maiztasuna eta ukitutako pertsona kopurua:

Informazio lagapena urtero egingo da.

200 +-

8. Emandako datuak hirugarrengoei lagatzeko aurreikuspena:

X EZ

9. Emandako informazioan sartzeko baimendutako pertsonak:

*Agurtzane Hidalgo Eizagirre, 72433856W, administraria, ongizate@beasain.eus.
. Aida Pérez Orobengoa, DNI: 72493030C, gizarte hezitzailea.*

10. Erabiltzaileen kudeaketaz eta utzitako informazioaren segurtasunaz eta kontrolaz arduratuko den organoa:

Karmele Elola Loidi, 15972434S, Ongizate arloko arduraduna, kelola@beasain.eus.

11. Solaskideak:

- *Zuzenbide gaietarako: Zerbitzu Teknikoa, tlf. 902 100 040 / UDALAREN IDAZKARIA. 943028094.*

- Informatika gaietarako: IZFE, SA / UDALEKO ZERBITZU INFORMATIKOA. 943028096.
- Beste gai material batzuetarako (lagapenaren ohiko kudeaketa...): Zerbitzu Teknikoak, tlf. 902 100 040 / A. H. E., 72433856W, administraria, ongizate@beasain.eus.

Alde biek eranskin honetan jasotako datuak eguneratzeko konpromisoa hartzen dute.”

4.- LURRALDE BATZORDEKO PROPOSAMENAK:

a.- HAEO: parte hartze prozesua (2018IDBO0010)

Ondorengo proposamenaren berri eman da:

“Gaia: herritarren parte hartze programa onartzeko proposamena.

AURREKARIAK

1.- 2018-01-31. SABAI ARKITEKTOAK, SLPrekin sinatutako kontratu administratiboa, Beasaingo Hiri Antolakuntzarako Plan Nagusia.

2.- 2018-10-09. Kontratistak parte hartze programa entregatzea.

3.- Baldintza teknikoko 3. artikuluaaren arabera, aipatutako programa Udal Korporazioak onartu behar du.

4.- Parte prozesua hasi aurretik, panelak kokatuko dira informatzeko zertan datzan Hiri Antolakuntzarako Plan Nagusia, toki hauetan:

- *Euskaltegi, Kiroldegia, Liburutegia, San Martin plazaren azpia, KZ Gunea, Erretiratuen Etxea, Urbieta Zentroa.*

Horren ondorioz, Lurralde batzordeak Udalbatza Osoari ondorengo erabaki-proposamena egiten dio:

Lehenik. SABAI ARKITEKTOAK, SLPek proposatutako eta atxikita doan parte hartze programa onartzea, ondorengo xehetasunekin:

1.- Egutegia eta ordutegia:

- *Tailerra, 1 zkia: 2018-11-20. 19,00etan.*
- *Tailerra, 2 zkia: 2018-12-04. 19,00etan.*
- *Tailerra, 3 zkia: 2018-12-18. 19,00etan.*
- *Tailerra, 4 zkia: 2019-01-08. 19,00etan.*
- *Tailerra, 5 zkia: 2019-01-22. 19,00etan.*

2.- Tailerretan parte hartzeko deialdia eta gonbidapena:

- *Deialdi orokorra egingo da baliabide hauek bitartez: Web orria, sare sozialak, prentsan, Goierri Telebista eta informatzeko panelak.*
- *Udalerrian jarduten diren kolektibo eta giza agenteei banakako eta idatzizko gonbidapenak.*

3.- Nori zuzendu gonbidapenak:

Parte hartze prozesuan edozein herritarrek parte hartzeko duen eskubidearen kalterik gabe, gonbidapenak hauei bidaliko zaie:

- *Udal elkarteak.*
- *Kirol elkarteak.*
- *Elkarte gastronomikoak.*
- *Tokiko Agenda 21.*
- *Interesdun profesionalak*

Hitz egindako txanda eman ondoren, iritzi hauek azaldu dira:

Aitor Larburu jaunak (EH BILDU): “Guk printzipioz, proposamenaren alde bozkatuko dugu baina pare bat gauza esan nahi ditugu parte hartze prozesuari buruz. Harrituta gaude zuen jarrera aldaketarekin. Esanguratsua egiten zaigu lehengo legealdian balio ez zuenak, oraingoan balioa izatea eta naturaltasun guztiz jokatzeara. Aurreko legealdian, gobernuak hartzen zituen iniziatiba oro boikotatu egin zenituzten argudiatuz ez zegoela ordenantzarik eta udalean ez zela adostu eta zuen artean hemen dagoen zinegotzi batek esan zuen: *¿para qué vais a preguntar a los vecinos?, con que nos preguntéis a nosotros ya vale porque somos los que hablamos de parte de ellos.* Gure garaian gazte lokalen inguruan nahiko arazo izan genituen. Beti jende berdina plenora etortzen zen kexak azaltzera eta orduan erabaki zen parte hartze prozesua martxan jartzea, gazte-lokaletako erabiltzaileek, jabeek eta bizi lagunek parte hartuz. Guretzat prozesua aberasgarria izan zen baina dokumentua landu ondoren eta plenora ekarri zenean onartzeko, alde batetik zalantzan jarri zenuten lokaletako zentsoa kontuan izanda, prozesuan parte hartu zuten gazte kopurua, erabilitako teknika etab. Legealdi honetan, Erauskin plazako birmoldaketa dela eta zuek konturatu gabe bizilagunek kexak azaldu zituzten. Orduan erabaki zenuten parte hartze prozesua martxan jartzea eta guk bere garaian gazte lokaletako parte hartze prozesua egiteko erabili genuen enpresa eta metodologi berdina erabili duzue. Nik parte hartze prozesu horretan parte hartu nuen eta jende kopurua ere ikusi nuen, baina positibotzat hartu nuen. Zer gertatzen da?, Lehen balio ez zuenak orain balio duela inolako aldaketarik gabe. Nik dakidala Udal honek ez ordenantza ez parte-hartze batzorderik ez du. Zergatik lehen BILDUK egiten zuena boikotatu eta demonizatu behar zen era orain balio du?.”

Alkate jaunak (EAJ-PNV): “Nik uste udal honek, parte hartze prozesuak ezagutu ditu, ez orain dela lau urte baizik eta zortzi urte, hamalau urte...Nik parte hartu dut parte-hartze prozesuetan. Nik uste dut, zer baina, nola dela. Guk orduan ez geunden ados nola egiten zen, denak irekiak bait ziren. Hamar edo hogeita joan berdin zen. Gu iruditzen zaigu hemen egin diren parte-hartze prozesuak saiatu garela gehiago

kontrolatzen eta jakiten lotesleak ziren edo ez. Guk bere garaian bere arrazoiak eman genituen, aurka atera gabe ere zeren eta abstenitu egin ginen, modugatik. Orduan, parte-hartze prozesua bazegoen, baina erabakiak ez ziren parte-hartze batzordetik pasatzen, beste toki batean hartzen ziren. Adibidea, Errekartekoa izan zen. Diferentzia, zer baino nola da. Horrelako parte-hartze prozesua gehiago izango dira, kasu honetan, legeak eskatzen du. Ni hirigintzan nengoenean, beharbada beste modu batera, baina egiten ziren.”

Aitor Larburu jaunak (EH BILDU): “Zure erantzunak berdin utzi dit. Zuk esaten duzu orain gehiago kontrolatzen direla. Sinestu egin beharko dugu. Batzordetik ez zirela pasatzen. Orain ere batzordeak ez dira egiten!”

Esateko besterik ezean, bozketa egin da eta aho batez onartu da proposamena.

b.- Sasietako Estatutuak. Onespena (2018IDBO0033)

Ondorengo proposamenaren berri eman da:

“Gaia: Sasietako Estatutuen aldaketa onartzeko proposamena.

AURREKARIAK

1.- 2018-09-25eko datarekin, Sasieta Mankomunitateko Lehendakariak Estatutuen aldaketa onartzeko eskatu du eta horretarako estatutu berriei gain, 2018-09-24ko Batzar Errektoreak hartutako erabakiaren ziurtagiria eta Mankomunitatearen Idazkariak nahiz Gipuzkoako Foru Aldundiak emandako txostenak atxikitzen ditu.

OINARRI JURIDIKOAK

Legeri aplikagarria xedapen hauetan aurreikusita dago:

- Apirilaren 2ko 7/1985, Legea Toki araubidearen oinarriak arautzen duena (44.3c) art., 44.4 art eta. 47,2g) art).

- Apirilaren 7ko 2/2016 Legea, Euskadiko Toki Erakundeena (101tik 103ra artikulua).

Horren ondorioz, Lurralde batzordeak Udalbatza Osoari ondorengo erabaki proposamena egiten dio adieraziz onartzeko zuzenbideko kideen gehiengo absolutua behar dela:

Lehenik. 35 artikulua, bi xedapen gehigarri eta azken xedapena dituen, Sasieta Mankomunitateko estatutuen aldaketa onartzea. Aldaketa nagusiak:

- Osatzen duten udalerri kopurua (23).

- Xedea, helburuak eta eskumenak gehiago zehaztea.

- Izendapen soziala: Sasieta Mankomunitatea-Mancomunidad Sasieta.
- Mankomunitateko egoitza soziala.
- Udalerrien ordezkaritza sistema.
- Boto haztatuaren sistema.
- Gobernu organoen eskumenen eta bilerak osatzeko quorumen eguneratzea.
- Pertsonala
- Hondakin kudeaketen ingurumen printzipioa.
- Gardentasuna, gobernu ona eta parte-hartzearekin erlazionatutako printzipioak aurreikustea.

Bigarren. Hartzen den erabakiaren berri Sasieta Mankomunitateari ematea.”

Beraz, bozketa eginda, aho batez onartu da proposamena.

5.- KONTUHARTZAILEAREN AURREKONTUARI BURUZKO EGONKORTASUN TXOSTENA. (2018EKBO0086). Kontu ematea.

Ezagutzero eman da Kontuhartzailearen ondorengo txostena:

“AURREKONTU EGONKORTASUNA, FINANTZA IRAUNKORTASUNA ETA GASTU ARAUA BETETZEARI BURUZKOA

ARAUDI APLIKAGARRIA:

- 2/2012 Lege Organikoa, apirilaren 27koa, Aurrekontu Egonkortasunari eta Finantza Iraunkortasunari buruzkoa.
- 1/2013 Foru Araua, otsailaren 8koa, Gipuzkoako toki entitateen aurrekontu egonkortasunaren eta finantza iraunkortasunaren alorretan finantza tutoretzaren eskumena garatzen duena.
- Diputatuen Kontseiluaren Akordioa, 2017(e)ko azaroaren 7(e)an, Jarraibidea onartzen duena finantza tutoretzaren eskumena garatzeko Gipuzkoako toki entitateen aurrekontu egonkortasunaren eta finantza iraunkortasunaren alorretan.

AZTERTUTAKO TRAMITEA: 2018KO AURREKONTUAREN KREDITU ALDAKETA

1.- FORU ARAUAREN 1.2.a) ARTIKULUKO ENTITATEAK (administrazio izaera dutenak)

1.1- ENTITATE ZERRENDIA:

Udala

Antzizar Kirolaren Udal Erakundea
Beasaingo Udal Euskaltegia
Beasaingo Loinatz Musika Eskola
Goierriko Ekimena, S.A.

1.2- HELBURUAK BETETZEARI BURUZKO EGIAZTAPENA

Aurrekontuen egonkortasuna

2018ko aurrekontuaren likidazio estimazioak 2.000.717,05 euroko superabita du, SEC Nazio eta Eskualde Kontuen Sistema Europarraren arabera. Ondorio horretarako, ez dagoenez doiketarik behar duen eragiketa adierazgarririk, kalkulu hori 1etik 7ra bitarteko kapituluetakoko sarreraren eta 1etik 7ra bitarteko kapituluetakoko gastuen arteko diferentziarekin parekatu da, goian zerrendatutako entitateen kontuak bateratuta.

2018 urterako defizita zero izatea da ezarritako helburua.

Diruzaintzako gerakinarekin finantzatutako obligazioen kopurua 2.064.074,89 eurokoa da.

Hori dela eta, zerrendatutako entitate guztien 2018ko likidazioaren espediente bateratuaren estimazioak EZ DU BETETZEN aurrekontu egonkortasunaren helburua, baina helburua ez betetzearen arrazoia Diruzaintzako gerakinaren erabilera denez, ez legoke plan ekonomikorik bete beharrik arrazoi honengatik.

Finantzen iraunkortasuna

2018ko abenduaren 31n, goian zerrendatutako entitateen zor bizia 4.306.813,84 eurokoa izatea aurreikusten denez, 2017an likidatutako sarrera arrunten (18.071.173,01€) %23,83koa izatea aurreikusten da. Horretarako, abiapuntutzat hartu dira indarrean dauden eragiketa guztiak.

2018 urterako aipatutako magnitudea %75a baino txikiagoa izatearen beharra ezarrita dago.

Beraz, Aurrekontuaren likidazioaren estimazioak BETETZEN DU finantza iraunkortasunaren helburua.

Gastu araua

Kontutan izanik 2.018 ekitaldirako aurreikusten den gastu konputagarria, zerrendatutako erakunde guztiak kontuan hartuz 18.778.964,26 eurokoa dela eta ekitaldi honetarako gastu muga 15.353.728,53 eurokoa izanik (2017 ekitaldiaren likidazioarekin %2,4ko legezko gehikuntza), 3.425.235,73 eurokoa da gastuaren gehikuntza eta beraz, Gastu Araua EZ DA BETETZEN.

1.3.- ONDORIOAK

Zerrendatutako entitate guztiak bateratutako likidazioaren estimazioak EZ du betetzen aurrekontu egonkortasunaren helburua, BAI betetzen du finantza iraunkortasunaren helburua eta EZ du betetzen gastu araua.

Likidazioan egoera hori berretsiko balitz, toki entitate hau behartuta legoke plan ekonomiko finantzarioa onartzera.

Aipatutako planak, 2019-2021 urteak hartuko dituenak, ahalbideratu behar du urteko ekitaldian eta hurrengoan defizitaren helburua eta gastu araua betetzea, eta 2020an zor bizia sarrera arrunten %70 edo txikiagoa izatea.

Plan hori Udalbatzari aurkeztu beharko zaio hilabeteko epean, gehiena jota, likidazioaren ondorioz egiaztatzen den unetik kontatzen hasita; bi hilabeteko epean onartu beharko da, gehiena jota, aurkeztu denetik kontatzen hasita; eta martxan jarri beharko da hiru hilabeteko epean, gehiena jota, likidazioaren ondorioz egiaztatzen den unetik kontatzen hasita."

6.- MOZIOAK:

Puntu honetara iritsi ondoren, bozkatu da premiazko puntu modura tratatzea, ENBAK aurkeztutako mozioa, "Enirio Aralar Mankomunitateak "Enirio eta Igaratza txabolen arteko bidearen egokitzapena ibilgailu motordunentzat egokitzeko" hartutako erabakia errespetatzekoa eta berau onartu duten ordezkari politikoei babesa azaltzekoari" buruzkoa.

Bozketa eginda, aho batez onartu da mozioa eztabaidatu eta bozkatzea.

- EH BILDUK aurkeztutako mozioa. Presoen urrunketa politika (2018IDBO0035)

Alkatea jaunak, Koldo Agirre EH BILDUko zinegotziari hitza eman dio eta honek ondorengo mozioa irakurri du:

"Pasa den apirilaren 18an Arabako Batzar Nagusiak presoen urrunketa politikarekiko ezadostasuna azaltzen zuen mozioa onartu zuen.

Hitzarmen honekin Euskal Autonomi Erkidegoko hiru Batzar Nagusien akordiora iristen gara, 2016ko abenduaren 14ean Gipuzkoan eta 2017ko ekainaren 7an Bizkaian onartutakoen ondoren.

Egun berean, aho batez onetsi zuten Euskal Autonomi Erkidegoko sindikatuak: ELA, LAB, CCOO, UGT, ESK, Steilas, EHNE, Hiru eta Etxalde.

Gure udalerrian, egun, preso daudenak hauek dira:

IÑAKI AZURMENDI PEÑAGARIKANO, PICASSENT (VALENTZIA), Beasaindik 600 kilometrora.

MAITE PEDROSA BARRENETXEA, PICASSENT (VALENTZIA), Beasaindik 600 kilometrora.

LIERNI ARMENDARIZ GONZALEZ DE LARRINAGA. A LAMA (PONTEVEDRA). Beasaindik 700 kilometrora.

IBAN APAOLAZA SANCHO, ALBOLOTE (GRANADA), Beasaindik 830 kilometrora.

FRANCISCO JOSE RAMADA ESTEVEZ. MURCIA (MURTXIA). Beasaindik 800 kilometrora.

Ondorioz, udalbatzak honakoa onartzea dugu helburu:

Lege Orokorrean askatasuna kentzeko zigorrak betetzean deserrotzea saihesteko ezarritakoa kontuan izanik, zigor horien birgizarteratze printzipioen arabera, adierazten dute ez daudela ados urruntze espetxe-politikarekin. Alde horretatik, ETaren indarkeriaren behin betiko etenak irekitako garai berriaren barruan, uste dute espetxe-politika berri bat behar dela, hain zuzen ere, presoak zigorrak gizarte eta familia erroak dituen lekutik urrun betetzea saihesten duen politika bat, zeinak erraztuko baitu bere senideekin harremana izatea, bere seme-alaba adingabeen ongizatera begira eta horiek gurasoekin egoteko duten eskubidearen alde.”

Hitz egindako txanda eman ondoren, bildutakoek proposamenarekiko adostasuna azaldu dute.

Beraz, bozketa eginda, aho batez onartu da mozioa.

- ENBAk aurkeztutako mozioa. Enirio Aralar Mankomunitateak "Enirio eta Igaratza txabolen arteko bidearen egokitzapena ibilgailu motordunentzat egokitzeko" hartutako erabakia errespetatzekoa eta berau onartu duten ordezkari politikoei babesazaltzekoari buruzkoa (2018IDBO0036)

Alkatea jaunak (EAJ-PNV), mozioa irakurri du:

“AURREKARIAK

2016ko Abenduaren 14an Gipuzkoako Batzar Nagusiek Aralarko Artzain eta Abeltzainen duintasuinaren aldeko ebazpena onartu zuten. Bertan Enirio Aralarko Mankomunitateak Zuzendaritza Batzordean onartutako Inbertsio Beharren Plana babestu zuen eta Gipuzkoako Foru Aldundiari Inbertsio Beharren Plana etenik gabe gauzatu ahal izateko, beharrezkoak diren baliabide tekniko zein ekonomikoak bideratu zitzaala eskatzen zitzaion.

Enirio eta Igaratza txabolen arteko bidearen egokitzapena Inbertsio Beharren Planaren zerrendan jasotako proiektu bat izanik, Enirio Aralarko Mankomunitateak sustatu eta Gipuzkoako Foru Aldundiak baimendu du.

Proiektu hau 2018ko irailean mendian gauzatzen hasi denean auzibidean jarria izan da. Horren ondorioz, Gipuzkoako Foru Aldunditik baimena bideratu duten ordezkari politikoak zein Mankomunitatean aldeko bozka eman duten ordezkari politikoak auzibidean jarriak izan direla jakitera eman dute komunikabideek. Bide penaletik jo dutela eta bakoitzaren izen abizenak lau haizetara zabalduak izan dira beldurrarazte intentzio jakin batekin.

AURREZ AZALDUTAKO GUZIAGATIK, ENBA NEKAZAL SINDIKATUAK HONAKO MOZIOA AURKEZTEN DU BEASAINgo UDALAK , AZTERTU ETA BERE HORRETAN ONAR DEZATEN.

Udal honek errespetatu egiten du Enirio Aralar Mankomunitateak “Enirio eta Igaratza txabolen arteko bidearen egokitzapena ibilgailu motordunentzat” obra proiektua egiteko gehiengo hartutako erabakia.

Mankomunitatean obra proiektua gauzatzearen aldeko bozka eman duten ordezkari politikoen erabakia errespetatzen du eta hauen kontrako jazarpen publikoa gaitzesten du.

Gipuzkoako Foru Aldundian obra egiteko baimena bideratu duten ordezkari politikoei eta Mankomunitatean obra proiektua gauzatzearen aldeko bozka eman duten ordezkari politikoei, epai bidean jartzearen ondorioz izaten ari diren jazarpen mediatikoaren aurrean gure babesa azaltzen diegu.”

Hitz egindako txanda eman ondoren, ondorengo iritziak azaldu dira:

Koldo Agirre jaunak (EH BILDU): “Erabakiak gustatu edo ez, egokiak iruditu edo ez, prozeduren gardentasunarekin ditugun zalantzak zalantza, erabakiak errespetatzearekin ez daukagu inolako arazorik baina ez dugu ulertzen jazarpen politiko eta mediatiko kontua. Arduradun politikoak garen heinean, jakina da gure erabakiak zalantzan jarri daitezkeela. Beraz, onartu eta naturaltasunez hartu behar dugu erabaki horiekin ados ez dagoenaren kritika oro. Beti ere errespetuz eta modu egokian. Irizpide berdina dugu auzibidean jartzearen inguruan. Erabaki politikoen kritikak modu ezberdinean adierazi daitezke. Kasu honetan batzuk pentsatu dute auzibidea zabaltzea erabaki honen inguruan. Bakoitzak bere iritzia eduki dezake pauso honen egokitasunaz, baina gustatu edo ez zilegitasun osoa daukate horretarako. Hori dela eta, guk ezezko bozka emango dugu.”

Gai behar adina eztabaidatu ondoren, bozketa egin da eta ondorengo emaitza lortu da:

Aldeko botoak: 10 (EAJ-PNV, Sozialistas Vascos-Euskal Sozialistak)
Aurkako botoak: 6 (EH BILDU)
Abstentzioak: 0

Horren ondorioz, gehiengo absolutuarekin onartu da mozioa.

7- ALKATEAREN EBAZPENAK. 2018ko irailaren 24tik urriaren 20ra bitarte emandako Ebazpenak.

Ezagutzero eman dira, Alkateak 2018ko irailaren 24tik urriaren 20ra bitarte emandako Ebazpenak.

8.- ESKAERA ETA GALDERAK

Eskaera eta galderen atalean honelakoak aurkeztu dira:

LOINATZKO FUTBOL ZELAIA ETA DIRULAGUNTZA EZA

Aitor Larburu jaunak (EH BILDU): “Lehengo astean irakurri genuen zuek prentsara bidalitako oharra adieraziz hurrengo urterako lantzen ari zaretela Federazioa eta Beasaingo Kirol futbol taldearekin, Loinatz futbol zelaiko aldagelak aldatzea eta Igartzako futbol zelaiko belarra aldatzea eta ureztatzea eta aldagelak egitearena Federazioak ordainduko duela. Guri autobonbo egin duzuela iruditzen zaigu. Gainera lehengo lurralde batzordeak jakin izan dugu Loinatz Futbol zelaiaren belar aldaketarako ez dugula inolako diru-laguntzarik jaso. Guri gaia nahiko larria iruditzen zaigu, kontuan izanda gainera kostuaren gehikuntza izan dela. Zer gertatu da?. Zein kudeaketa eraman da?. Ez dugu ulertzen. PSOEk proposatuta obra, zuek zuena egin, diru-laguntza egongo zela esan, Federazio eta Foru Aldunditik. Nora begira egon gara?. Nola da posible Gipuzkoan egin diren belar aldaketa gehienak subentzionatuta egin direla eta beasaingarrak subentzio gabe geratzea. Zenbat kostatu da belar aldaketa hori?.

Alkate jaunak (EAJ-PNV): desbideraketa, %10a baino gehiago ez da izan. Egia da gaur arte ez dela diru-laguntzarik jaso. Behin eta berriz esaten zaigu diru-laguntza jasoko dela. Ikuskizun!. Lanean jarraitzen dugu eta horren ondorioz, ba da eskaera bat belar aldaketak ekarri duena. Lehenago talde bakarra zegoen tokian, 21/22 jokalariek erabiltzen zuten gune bat ehun eta hirurogeita piko pertsonak erabiltzea pasatu da. Horrek ekarri du aldageletan murriztuz geratzea. Beraiekin izaten ditugun hainbat bileretan saiatu gara aprobeitatzeko 2018ren itxiera baita Federazioarentzat ere eta aldagela horien beharra azpimarratu diogu. Esan zaigunez beraiek bere gain hartuko dute eta badakigu Beasain futbol taldearekin bilerak egin dituztela. Beraz, belarrentzat diru-laguntzarik jaso ezpada ere, aldageletako berrogei bat mila euroko kostua Federazioak bere gain hartuko luke. Igartza futbol zelaiko belar aldaketarenari buruz esan, egia dela alderdi sozialistak datorren urterako egin duen ekarpenetako bat dela baina baita ere legegintzaldi hasieratik instalazioaren berrikuntzen beharra denok ikusten genuen zerbait. Ez zaigu iruditzen konparagarria denik, Loinatz futbol zelaian belar naturalekin belar artifizialera pasatzeak ekarri duena, hala nola, bertan ere neskak jolastu izatearena, Igartza futbol zelaian planteatzen den aldaketarekiko. Ez dugu onartzen gure gain bakarrik izatea Igartza futbol zelaiaren belar aldaketa. Iruditzen zaigu beste bi alde ere egon behar direla. Horretaraino iritsi gara. Datorren aurrekontuetan gastu hori aurreikusiko dugu baldin eta sarrerak badaude beste bi estamentuetatik. Foru Aldundiak adierazi digu 2020. urterarte kiroletako diru-laguntzak emanda dituela. Beraz, Aldunditik ez da josoko, baina landu egin beharko dira Federazioa eta Elkartearen ekarpenak. Guk berresten dugu, Loinatz futbol zelairako diru-laguntzarik ez bada ere, inbertsio on bat dela iruditzen zaigu. Espainiako Federazioan egon diren gorabeherak ez dute batere lagundu, baina esaten zaigu ez etsitzeko.”

PUBLIZITATEA ETA PROPAGANDA

Publikoan dagoen pertsona batek adierazi du kalean jartzen den publizitate eta propaganda udalak horretarako jarrita dituen paneletan jarri beharra dagoela, baina

salatu du maiz, Udalak berak ez duela arau hori betetzen eta toki horietatik kanpo jartzen duela.

Alkate jaunak (EAJ-PNV): “Salbuespenak egiten dira arrazoizkoak ikusten direnak eta neurri batzuk arte. Adibidez, garagardo azoka dela eta SAREk eskatuta hainbat tokietan ohikoetatik kanpo, propaganda jartzeko. Egia da eta pasatu izanda, udalarekin batera lan egiten duten elkarteek, tokiz kanpo jarri izana eta udalaren logoa jartzea. Horrelakoetan, enteratu garenean kentzeko agindua eman dugu, logikarik ez duelako guk esatea ez jartzeko eta elkarte horiek, jarri. Atarietan ere jartzen dira. Orain dagoena ezin da konparatu lehengo egoerarekin.

ORIAMENDI KALEA

Publikoan dagoen pertsona batek adierazi du lehengo legealdian, Oriamendi kalean ezarritako norabide bakarra berriro bi norabide jartzeko asmoa dagoela irakurri duela eta egia izanez gero gaia oso larria dela, norabide bakarraren ondorioz, Oriamendi kalean lasaitasun gehiago dagoelako eta hori herritarren onurarako izan delako. Nafarroa Etorbidea eta kale Nagusia oinezkatu ziren bezala, Oriamendi kaleko norabide bakarra mantendu egin beharko litzatekeela dio, kategori ezberdineko (1. eta 2. mailakoak) herritarrak ez izatearen mesede.

Alkate jaunak (EAJ-PNV): “Esaten duzu, 1. eta 2. mailako herritarrak daudela. Nik uste dut daudena dela, erdi guneko kaleak eta gainontzekoak eta beraietatik guztion ibili gaitezke. Zoritxarrez, ezin ditugu denak oinezko bihurtu zeren eta oinez ibiltzen garenak ere kotxea behar izaten dugu. 2003. urtetik kotxe kopurua bikoiztu baino gehiago egin da. Beasainen 8.000tik gora kotxe ditugu eta udal bezala horri ere erantzun behar zaio. Oriamendi kalekin ez dago erabakirik hartuta. Bai parte-hartze prozesu horretan aterako gaitako bat edo puntuetako bat hobeste ikusten zena, Oriamendi bi norabideetan jarri eta Erauskinen biribilgunea jarri. Hori aztertze dago ezin dugulako berriro beste seihun zazpiehun mila euroko gastu batetan sartu hori aldatzeko. Ikusi egin beharko da. Zorua ez dago batere ondo eta zerbait egitekotan hori egin beharko litzateke lehendabizi. Aztertze dago bi noranzko aldaketa hori egingo den ala ez. Ezin duguna da berriz ere, obra batetan hasi.”

ADIFekin EGINDAKO BILERA

Alkateak azaldu du udalaren nahia izango litzatekeela Gernika Pasealekuaren parean, trenbidearen bestalde dagoen eremua garatzea eta aztertu zer egin behar dela zer egin, baina jakinda arazoetako bat dela, lurra udalarena ez izatea.

UDAL FINANTZIAZIOA FORU FONDOTIK

Publiko pertsona baten galderari erantzunez Alkateak adierazi du herri guztiei zerbait tokatzen zaigula eta Beasainen kasuan lehengo urtearekiko %2 gehiago jasotzea dela aurreikuspena.

ESKERTZA

Pertsona berak, eskertu egin du SAREaren mozioa onartu izana.

Eta tratatzeko besterik ezean, bilera arratsaldeko zortziak laurden gutxiagotan amaitu da eta nik, idazkari naizen honek akta hau idatzi eta sinatu dut.